



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 60. Scriptores A catholici anno defuncti, eorum opera.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

S. Benedicti elucubravit. Mense au- ^{Sæc. XVIII.}
 tem Aprili Madriti in Monasterio S. Mar- ^{A. C. 1731.}
 tini decessit celeberrimus P. Emanuel
 de Villarevel, qui librum de Thaumato-
 logia Sacra octo volum. conscripsit.

§. LX.

*Scriptores A catholici hoc anno de-
 functi, eorum opera.*

Longe plures ex Scriptoribus Aca-
 tholicis invida mors hoc anno Li-
 terariæ Reipublicæ subduxit; ex his
 primus est Jacobus Paulus de Gundling,
 e cujus calamo profluxit Historia de
 rebus gestis Henrici VII. Conradi IV.
 Wilhelmi, Richardi, & Conradi III.
 Imperatorum, vita Friderici II. Joa-
 chimi I. & II. & Joannis Georgii Ele-
 ctorum Brandenburgicorum, Historia
 & origines Brandenburgensium, &
 præfatio ad Pufendorffium de statu
 Imp. Germ. II. Joannes Georgius Joch,
 qui ad posteros transmisit dissertationes
 de Synodo Tremonienfi. de Patribus
 primitivæ Ecclesiæ, præcipue & spe-
 ciatim S. Ignatio non faventibus me-
 rito honorum operum, Programmata
 de mirandis conceptionis & animatio-
 nis Corporis Christi, de notis veterum
 criticis in censendis Auctoribus, Pro-
 dromum Bibliothecæ politicæ, de Cle-
 mente

Sæc. XVIII. mente Romano & Irenæo non favente
 A. C. 1731. Missæ Pontificiæ, de mortibus per-
 eutorum Joannis Baptistæ, de
 alba Neophytorum in veteri Ecclesi-
 de peccatis per participationem, de
 Schola Alexandrina, de studio Veteris
 Divini, præter alia quamplurima. III.
 Ludovicus Carolus Dizinger, qui scrip-
 psit tractatum de his verbis: *Ego sum
 Christus*, & notitiam de Eslingana re-
 formatione Ecclesiastica. IV. David
 Holzhalb, qui vulgavit disputationes
 de dependentia creaturæ a Deo, exer-
 citationes biblicas ad Job. 4. v. 5. de
 spiritu ad invidiam non concupiscente,
 de statutis non bonis ad Ezech. 20. Li-
 gogen ad pneumatologiam, & alia
 nonnulla. V. Theodorus Hase Calvi-
 nianus, qui in lucem produxit orati-
 nem de felici literarum Sacrarum &
 humaniorum connubio, de decreto
 Imp. Tiberii circa Christum in nume-
 rum Deorum adscribendum, de lapide
 fundamenti, de tribus scitu necessariis,
 de baptismo super mortuis, de aquis
 hierichuntinis per Elisam conditis, de
 Templo Oniæ Heliopolitano præter
 alias dissertationes quamplurimas, que
 eodem anno Bremæ in unum volumen
 contractæ, fuerunt editæ sub titulo:
*Dissertationum & observationum Sacra-
 rum sylloge.* VI. Severinus Lintropp
 Danus,

Danus, qui vulgavit orationem de fe-
 licitate ac prærogativa literaria Sæ-
 culi XVII. Specimen calumniæ papæo-
 Calvinianæ in Augustanam Confessio-
 nem invariata, tractatum de poly-
 mathia Scriptorum Sacrorum; & D. Pauli
 de campis elysiis Paganorum, speci-
 men Angliæ Lutherizantis, specimen
 protheoriæ Theologicæ generalis, præ-
 ter alia adhuc inedita. VII. Joannes
 Schmid Lutheranus, qui edidit dispu-
 tationes de Deo ut trino ex principiis
 philosophicis non demonstrabili, de
 Angelis, de liberis ob delicta parentum
 non puniendis, de jure hominum in
 bruta, de peccato originis, de brutis
 hominum doctioribus, de quarta-deci-
 manis, de philosophiæ in theologia usu,
 an parentibus filios vendere liceat? de
 habitu & insignibus Apostolorum Sa-
 cerdotalibus, de cinerum in Sacris usu,
 de probatione per aquam facta, de An-
 gelis pusillorum, de religione Evange-
 lica, de mystico Historiæ Jobi sensu &
 alia quamplurima. VIII. Abraham
 Wolf Lutheranus, qui scripsit disserta-
 tiones de anima, de Elihu amicorum
 Jobi optimo, de plenitudine Christia-
 norum ex plenitudine Christi, & alia
 nonnulla. IX. Joannes Müller, qui
 edidit tractatus de miraculis, de Deo
 legislatore medico, de usu rationeque
Hist. Eccles. Tom. LXXIII. **Aaa** **ex**

Sæc. XVIII.
 A. C. 1731.

Sæc. XVIII. experimentorum in perficienda hi-
 A. C. 1731. storia naturali, an prima formatio
 in ovulis viventium sit adscribenda
 Deo? & alia potissimum physica
 X. Justus Rabener Lutheranus Pno.
 qui prælo subjecit Dissertationes de
 dæmonibus, de duratione & præsentia
 rerum, & de poeseos sublidis. XI.
 Joannes Huebner, cui adscribuntur
 tractatus de prudentia ex historiarum
 lectione comparanda, programma de
 prædantismo & galantismo, quæstiones
 circa Geographiam Sacram, Hambur-
 gica Bibliotheca historica, & dis-
 sertationes de dilemmatibus politicis.

§. LXI.

*Resuscitata Wormatiensium Luth-
 ranorum dissidia contra Clerum
 Catholicum.*

Quamvis controversia, qua Worma-
 tienses Lutherani Catholicis S. Vir-
 ticum publice deferendi jus eripere me-
 liebantur, in favorem Cleri jam anno
 hujus sæculi vigesimo septimo a Cæsar-
 reo - Aulico Consilio fuisset decisa, ni-
 hilominus iidem anno priori die vige-
 sima nona Augusti, & vigesima septima
 Septembris Ratisbonæ ad Corpus, ut
 vocant, *Evangelicorum* suas quærens
 innovarunt, perinde ac si hoc Corpus
 Cæsar-